

مذهب اختلافی سالماق و افراط، ملی بیرلیغی داغیدار

حضرت آیت الله خامنه‌ای دولترین جماعتین دینی و مذهبی اینن رابطه قورماغی اونلارین موفقیتینه سبب اولماسی بیلیم آرتیردیله: بعضی افراطچی مذهبی جریانلارا اسلام مذهبلری آراسیندا اختلاف سالماغا امکان وئرماسق لازمدير.

معظم رهبرلیق مقامینین اطلاع رسانی سایتینین وئردیغی خبره گؤره، اسلام انقلابین معظم رهبری حضرت آیت الله خامنه ای چهارشنبه گونو آذربایجانین رئیس جمهوری جناب الهام علی‌یو اینن گؤروشد، ایکی اؤلکه‌نین همسایلیق و مذهبی، تاریخی و فرهنگی بیرلیقلارینی ایک دولتین مناسبتلرینی تقویت ائله‌ماغا تأثیرلی عامل ساییب و تأکید ائله‌دیله: توافقله‌رین دالیسینی توتماق و سیاسی اراده‌این بدخواه‌لارا فاتق گلماغینان ایکی دولت و ملتین رابطه‌لرینی گوندن گونه محکم‌لندیرماق اولار.

حضرت آیت الله خامنه ای جماعتین مذهبی اعتقادلاری اینن رابطه قورماغی دولترین موفقیتینه سبب اولماسینا تضمین کیمی بیلیم آرتیردیله: بعضی افراطچی مذهبی جریانلار اسلام مذهبلری آراسیندا اختلاف سالماغا امکان وئرماسق لازمدير.

او حضرت مشترک اقتصادی کمسیونون تشکیلی باره‌ده ایران و آذربایجان رئیس جمهورلاری آراسیندا اولان توافقله‌ری مطلوب ایش بیلیم دندیله: ایکی طرفین طرفیتلری و امکاملاری اینن مقایسه‌ده ایکی اؤلکه آراسینداکی ایندیکی رابطه‌له چوخ آزدير و بو سفرین اقتصادی و منطقه‌ای رابطه‌لرین چوخالماسینا مقدمه اولماسینا اومیدیمیز وار.